



世四十一二  
 婦人良方八  
 七

中武9  
 584  
 28



門下武  
第 582  
卷 28

婦人良方卷之十八

薛氏醫按

臨川陳自明編 吳郡薛 已註

新都閔道政校正

產後門

產難既明須知產後疾病故以次之

○產後將護法第一

婦人產畢飲熱童便一盞閉目少坐上床倚高立膝仰臥不時喚醒及以醋塗鼻或用醋炭及燒漆器更以手從心膈至臍下使惡露不滯如此三日以防血暈血逆酒雖行血亦不可多恐引血入四肢且能昏暈宜頻食白粥少許一月之後宜食羊肉猪蹄少許仍慎言語七情寒暑梳頭洗足以百日為度若氣血素弱者不計月日否則患手足腰腿痠痛等症名曰蓐勞最難治療初產時不可問是男女恐因言語而泄氣或以愛憎而動



氣皆能致病不可獨宿恐致虛驚不可刮舌恐傷心氣不可刷齒恐致血逆須血氣平復方可治事犯時微若秋毫成病重如山嶽可不戒哉

○產後調理法第二

產後將息如法臟腑調和庶無諸疾苦須先服黑神散四物湯四順理中丸七寶散若壯熱頭痛此乳脉將行用玉露散頭目不清是血暈用清魂散粥食不美是胃氣虛用四順理中丸

愚按丹溪先生云肉汁發陰經之火易成內傷之病當歸丸當歸建中湯四順理中丸雖滋補悉犯桂附乾姜僭熱之劑臟腑無寒何處消受若夫兒之初產母腹頓寬便啖雞子火益不思雞子難化火益發熱展轉為病醫者不識妄指他病率爾用藥寧不誤人予每見產婦之無病者皆不用黑神散

與鷄子火益諸般肉食每白粥調理間以此小石首魚乾淡食之至半月以後少食雖雞子亦豁開煮之方能養胃却痰彼富貴之家嬌妾之婦率有白帶頭風氣痛膈滿痰逆口乾經事不調髮脫體熱皆因失於調理所致也

產後通用方第三

愚按前方即產後諸症各門自有方論主治故不再錄

○胞衣不出方論第四

郭稽中曰胎衣不下者因氣力疲憊不能努出或血入衣中脹大而不能下以致心胸脹痛喘急速服奪命丹血散腸消其衣自下牛膝散亦效

愚按前症若出而氣虛不能入用補中益氣湯或草薢子仁一兩研塗母頭頂心即上若胎衣不下用草薢子仁塗右腳

心胎衣下急洗之。緩則胎衣仍入。益母丸亦效。若胎衣未下。若欲斷臍帶。須先以少物繫墜。然後斷之。

附治驗

一婦人胞衣不出。胸腹脹痛。手不敢近。用滾酒下失笑散一劑。惡露胎衣並下。

一產婦胎衣不出。腹作痛。手按痛稍緩。此氣虛而不能送出也。用無憂散而下。前症常詢諸穩婆云。宜服益母草丸。或就以產婦頭髮入口作嘔。胎衣自出。其胎衣不出必死。授與前法甚效。

奪命丹

附子半兩 牡丹皮一兩 乾漆一錢炒 大黃末一兩  
右為末。醋煎大黃成膏。丸桐子大。溫酒吞五七丸。

花瀝石散 治產後敗血不盡。血迷血暈。腹中胎衣不下。至死心頭煖者。急用一服。化水即出。其効如神。

花瀝石一劑 上色硫黃四兩  
右和勻。先用紙泥封固瓦罐一個。入二藥。仍封固陰乾。如急用。以焙籠內炙乾。用炭煨赤。去火。次日取出。細研。每服一錢。童便熱酒下。

牛膝散 治胎衣不出。腹中脹痛。急服此藥。腐化而下。緩則不

牛膝 川芎 朴硝 蒲黃各三兩 當歸一兩  
桂心五錢 右每服五錢。姜三片。生地黃一錢。水煎。

附方

補中益氣湯 方見二十四卷第六論  
失笑散 方見十六卷第五論

無憂散

方見十六卷第三論

益母草丸

方見十三卷第九論

又方用竈下土三四錢好醋調和納臍中續煎生甘草湯半盞或以醋湯飲之即出

又方用草麻子仁研爛塗足心即洗去

又方用紅花一兩酒煮濃汁服

又方用鹿角鎊三錢為末煮葱湯調服

又方取產母鞋底炙熱熨小腹上下二七次

又方用浸草水濃煮溫飲二碗立下

又方用皂角棘燒為末每服一錢溫酒調

○產後血暈方論第五

產後血暈乃血入肝經甚至眼花昏悶用聖神散主之下血過

多用清魂散補之或以醋湯細飲或預燒秤錘以醋沃之或醋塗口鼻或燒漆器薰之使產母鼻吸其氣庶無此患

愚按前症若惡露上行用失笑散血下過多芎歸湯若過勞所傷補中益氣湯氣虛血極用清魂散大凡產後口眼喎斜等症當大補氣血為主而兼以治痰若脾胃虛弱用六君子湯苟於七月之前服安胎飲至八九月間加大腹皮黃楊頭元氣虛弱八珍湯臨產用無憂散則無前患

附治驗

一婦人月胎下墜或動面黃體倦飲食少思此脾氣虛弱用補中益氣湯倍以白朮加藕梗三十餘劑而安產後眩暈胸滿咳嗽用四物加茯苓半夏桔梗而愈

一姪婦因產飲酒惡露甚多患血暈口出酒氣此血得酒熱

而妄行。虛而作暈也。以佛手散加煨甘葛二錢一劑而痊。酒性慄悍。八月及產後不宜飲。恐致前症。產室人衆氣熱。噎噤亦致此症。

**奪命丹** 治血暈腹痛。沒藥血竭末等分。每服二錢。熱童便熱酒下。

**牡丹皮散** 治產後惡露闕絕。

牡丹皮 芒硝 大黃蒸各一兩 冬瓜仁三七粒 去皮尖

右每五錢水煎服。

**清魂散** 治產後氣血暴損。虛火妄動。血隨火上。以致心神昏亂。口噤眼花。甚至悶絕而甦。

澤蘭葉 人參各一錢 荆芥三錢 川芎一錢

右各另為末和勻。每服一二錢。熱湯和酒調灌之。

當歸芍藥湯 方見十二卷第十二論

一方五靈脂末半生半炒。每服二錢。溫酒灌入喉。即愈。

一方荆芥為末。童便調。

一方神麩末。每服二錢。熱水調。

一方韭菜切入瓶內。注熱醋。以瓶口對鼻氣。人即醒。

一方用江花末五錢。酒調服。

一方等身。為末。九日。鼻中即醒。亦療五絕。

一方赤小豆為末。東流水和服。錢訖不瘥。再服。

**佛手散** 治產後去血眩暈欲絕。方見十二卷七論。

又方松烟墨二錢。燒赤。窰滅為末。溫酒調半匕。京墨亦可。或燒漆器。取烟薰之。

附方

失笑散 方見二十卷第五論

補中益氣湯

六君子湯

四物湯 三方見二十四卷第六論

安胎飲 方見十二卷第二論

無憂散 方見十六卷第二論

○產後顛狂方論第六

產後顛狂乃敗血上衝用大聖澤蘭散加砂仁末三分煎酸棗仁湯調下或硃砂二錢研細以乳汁調和入紫項活地龍一條滾二三沸去之入酒再用重湯煮溫分三服

愚按前症乃血虛神不守舍非補養元氣不可仍參後各門互用

附治驗

一產婦患前症或用大澤蘭湯而愈後又怔忡妄言其痰甚多用茯苓散補其心虛頓愈又用八珍散加遠志茯神養其氣血而瘥

一產婦亦患此用化痰安神等藥病益甚神思消燥余以為心脾血氣不足用大劑參朮芍歸茯神酸棗仁四劑餘而安乃以歸脾湯五十餘劑而愈

附方

隱居澤蘭湯 方見二十卷第六論

茯苓散 方見十九卷第三論

八珍散

歸脾湯 二方見二十卷第四論

○產後狂言謔語方論第七

產後狂言謔語乃心血虛也用硃砂末酒調下龍虎丹參丸琥珀地黃丸亦可如驚悸歌哭顛狂等症當參十九等卷治之愚按前症當固胃氣為主而佐以見症之藥為善若一於攻痰則誤矣。

附治驗

一產婦形體甚倦時發謔語用栝子仁散稍愈又用加味歸脾湯而愈又因怒仍狂言脇痛小便下血用加味逍遙散以清肝火養肝血頓瘥又佐以加味歸脾湯而安治敗血上衝發熱狂走脉虛大者。

乾荷葉 生地黃 牡丹皮 各等分  
右濃煎湯調生蒲黃二錢服之即止

妙香散

論第八

治產後語言錯亂用生地當歸煎湯調服立效方見六卷

附方

小柴胡湯

方見二十四卷第二論

栝子仁散

方見十九卷首論

加味歸脾湯

方見二十四卷第四論

○產後不語方論第八

產後不語因心氣虛而不能通於舌則舌強不能言語者宜服七珍散餘當推其所因而治之可也

愚按經云大腸之脉散舌下又云脾之脉是動則病舌本強不能言又云腎之別脉上入于心繫舌本虛則不能言竊謂前症若心腎氣虛用七珍散腎虛風熱地黃飲大腸風熱加



味逍遙散加防風白芷脾經風熱秦芫升麻湯肝經風熱柴胡清肝散加防風白芷脾氣鬱結加味歸脾湯加升麻肝木太過小柴胡加釣藤鈎脾受土侮六君加升麻白芷釣藤鈎肝脾血虛用佛手散脾氣虛用四君子氣血俱虛八珍湯如不應用獨參湯更不應急加附子補其氣而生其血若竟用血藥則誤矣

附治驗

一產婦不語用七珍散而愈後復不語內熱脯熱肢體倦怠飲食不進用加味歸脾湯為主佐以七珍散而愈後因怒不語口噤腰背反張手足發搐或小便見血面赤或青或黃或時兼赤余曰面青肝之本色也黃者脾氣虛也赤者心血虛也用八珍湯加釣藤鈎茯苓遠志漸愈又用加味歸脾湯而

人參

石菖蒲

生地黃

川芎各一

細辛

一錢防風

辰砂

別研各半兩

右為末每服一錢薄荷湯調

胡氏孤鳳散

治產後閉目不語用生白礬末每服一錢熱水調下

調下

治產後不語

人參

石蓮肉不去心

石菖蒲等分

右每服五錢水煎

附方

地黃飲方見三卷第四論

加味逍遙散

加味歸脾湯

八珍湯三方見二十四卷第四論

八珍湯

婦人良方

薛氏醫案卷之十九

秦芫升麻湯

方見三卷第一論

清肝散

方見二十四卷第二論

小柴胡湯

方見二十四卷第二論

六君子湯

四君子湯

二方見二十四卷第六論

佛手散

方見二十二卷第七論

獨參湯

方見三卷第十三論

婦人良方卷之十九

薛氏醫按

臨川陳自明編

吳郡薛已註

新都閔道政校正

產後門

產後乍見鬼神方論第一

產後如見鬼神或言語謔妄皆由血氣虧損陰虛發熱或瘀血停滯以致心神煩躁而然也宜以調經散治之

愚按前症若敗血停滯用調經散若血虛發熱用八珍加炮薑若心血虛損用栝子仁散大抵此症皆心脾血少所致但調補胃氣則痰清而神自安矣若果係鬼祟所附即炙鬼哭穴可愈其或不起者多因豁痰降火攻伐之過也

仍參第三卷產後謔

語乍見鬼神方論

婦人良方

薛氏醫案卷之十九

一

日五

附治驗

一產婦患前症或用調經散愈而復作仍復前散益甚痰涎上湧朝寒暮熱余朝用八珍散夕用加味歸脾湯各五十餘劑而愈

調經散 治血虛經閉心神燥渾身疼痛或時見怪

沒藥

琥珀並細研

桂心各一錢

芍藥炒

當歸各一分 細辛半錢

麝香少許

右為末每服半錢薑汁溫酒各少許調服

栝子仁散 治產後元氣虛弱瘀血停滯狂言亂語

栝子仁

遠志

人參

桑寄生

防風

琥珀別研

當歸炒

生地黄焙

甘草炒等分

右用白羊心一箇水三盞煮清汁七分入藥五錢煎服

附方

八珍湯

加味歸脾湯 二方見二十四卷第四論

鬼哭穴 見六卷第八論

○產後心神驚悸方論第二

產後心神驚悸恐懼或目睛不轉口不能言乃心氣虛而六淫內侵診其脈動而弱者驚悸也動則為驚弱則為悸矣

愚按人之所主者心心之所主者血心血一虛神氣不守此驚悸所由作也當補血氣為主 仍參三卷第十論

附治驗

一產婦患前症二度服琥珀地黃丸局方妙香散隨効再患服之其症益甚而脈浮六按之如無發熱惡寒此血氣俱虛

余用十全大補加味歸脾二湯各百餘劑而愈後遇驚恐勞怒復作仍服前藥而安

琥珀地黃丸 治產後惡露不盡胸腹作痛或小便不利

琥珀另研 延胡索糯米同炒 當歸各一兩 蒲黃炒四兩

生地黃研取汁 生薑各二斤研取汁 留洋生薑汁用銀

薑滓各乾為末 右為末煉蜜丸如彈子大每服一丸當歸煎湯化下

治血虛驚悸少寐及產後敗血停留少腹作痛等症

辰砂另研 沒藥 琥珀並細研 當歸為末等分

右為末每服二錢空心日午臨臥用白湯調下

產後驚悸亂語精神不定用好硃砂為細末酒調服錢許

附方

局方妙香散 方見二卷第十二論

茯苓補心湯 方見三卷第十論

十全大補湯

加味歸脾湯 二方見二十四卷第四論

○產後中風心驚方論第三

產後張口噤肢體強直腰背反偃言語錯亂如癩者此氣虛風邪所傷而成瘧也

愚按仲景先生云有汗為柔瘧用桂枝湯無汗為剛瘧用麻黃湯然產後得此血氣俱虛之敗症也不可與傷寒例看丹溪先生云產後當大補氣血為主可用十全大補湯以補元氣如不應急加附子更不應是藥力弗逮也仍用參附湯多服余常治大虛之症參芪數劑附子數枚方應

附治驗

一產婦患此不省人事言語妄甚惡風寒喜熱飲形氣倦怠  
脈虛浮無力余謂血氣虛寒用十全大補湯二十餘劑不應  
又二十餘劑稍緩乃漸加附子至一錢服數劑諸症減一二  
又二十餘劑十退三四乃去附子五分數劑諸症頓退而安  
後又發仍服前藥加附子三五分而愈

茯苓散 治產後心虛忪悸言語錯亂健忘少睡或自汗盜汗

人參 甘草炒 芍藥炒黃 當歸 生薑各八分

茯苓各一錢 桂心六分 麥門冬去心五分 遠志去心五分 大棗二枚

右水煎服

抱膽丸 治產後遇驚馬發狂或遇經行發狂

水銀二兩 黑鉛一兩 硃砂一兩 乳香別研

右將黑鉛入銚內火鎔下水銀結成砂子下硃砂乳末乘熱  
用柳木槌研勻在雞頭子大每服一丸空心薄苛湯下得睡  
勿驚覺來即安妙香散亦善

附方

妙香散 方見三卷第十三論

十全大補湯 方見二十四卷第四論

參附湯 方見後第六論

○產後中風恍惚方論第四

產後恍惚因元氣俱虛心經血少或外邪所侵以致心神恍惚  
怔忡不寧

愚按前症當大補血氣為主而做以後方為善蓋風為虛極  
之假象也固其本源諸病自退若專治風則速其危矣

附治驗

一產婦患前症盜汗自汗發熱胸熱面色黃白四肢畏冷此氣血俱虛用八珍湯不應更用十全大補加味歸脾二湯始應後因勞怒發厥昏憤左目牽緊兩唇抽動小便自遺余為肝火熾盛用十全大補加釣藤山梔而安再用十全大補湯辰砂遠志丸而愈

辰砂遠志丸

治產後中風驚狂起臥不安或痰涎上湧

石菖蒲

遠志

去骨蘆甘草炙

人參

茯神去木

辰砂各三錢

川芎

山藥

鉄粉

麥門冬去心

細辛

天麻

半夏湯泡

南星

白附子各一兩

右為末薑汁糊丸棗荳大別以硃砂為衣每服三十九臨臥薑湯下

附方

八珍湯

十全大補湯

加味歸脾湯

三方見二十四卷第四論

○產後虛極生風方論第五

產後生風因去血過多氣無所主以致唇青肉冷汗出目眩神昏急服濟危上丹若投以風藥則悞甚矣

愚按前症若心脾氣血俱虛用十全大補湯如不應加附子釣藤鈎若肝經血虛用逍遙散加釣藤經云脾之榮在唇心之液為汗若心脾二臟虛極急用參附湯救之

附治驗

一婦人患前症或用諸補劑四肢逆冷自汗泄瀉腸鳴腹痛

婦人良方 薛氏醫案卷之十一 五  
余以陽氣虛寒。用六君子。薑附各加至五錢不應。以參附各一兩。始應。良久不服。仍腸鳴腹痛。後灸關元穴百餘壯。及服十全大補湯方效。

濟危上丹

乳香研

五靈脂

硫黃

玄精石

同研極細

阿膠

卷栢

桑寄生

陳皮

等分

右將上四味。入石器內。微火炒。再研入餘末。用生地黄汁九

桐子大。每服二十九。食前溫酒。或當歸酒下。

當歸建中湯

治產後腹痛拘急。痛連腰背。自汗少食。

當歸

桂心各三兩

白芍藥

六兩炒

甘草

炙二兩

右每服五錢。薑棗水煎。入飴糖一匙。服如未應。加之。

附方

參附湯

方見本卷後

十全大補湯

逍遙散

二方見二十四卷第四論

六君子湯

方見二十四卷第六論

獨參湯

治一切失血惡寒。發熱作渴。煩躁。或口噤痰鳴。自汗

盜汗。或氣虛脈脫。手足逆冷。蓋血生於氣。故血脫補氣。陽生

陰長之理也。

方見三卷第十三論

○產後虛汗不止方論第六

產後汗不止者。皆由陽氣頓虛。腠理不密。而津液妄泄也。若遇風則變。痙縱虛乏。短氣則身體消瘦。唇口乾燥。久則經水斷絕。由津液竭故也。

愚按前症。屬血氣俱虛。急用十全大補湯。如不應。用參附芪

附等湯若汗多亡陽發瘧尤當用前藥王海臚先生云頭汗出至頸而還額上偏多蓋額為大陽之所會也由虛熱薰蒸而出竊謂前症當以部位分之額左屬肝額右屬肺鼻屬脾頤屬腎額屬心治者審之仍參三卷第六論

附治驗

一產婦略聞音響其汗如水而昏潰諸藥到口即嘔余以為脾氣虛敗用參附末為細丸時含三五粒隨液嚥下乃漸加之至錢許却服參附湯而痊  
一產婦盜汗不止遂至廢寐神思疲甚口乾引飲余謂血虛有熱用當歸補血湯以代茶又以當歸六黃湯內黃芩連柏炒黑倍加入參五味子二劑而愈  
麻黃根湯 治產後虛汗不止身熱發渴驚悸不安

當歸

黃芪

炒

麻黃根

牡蠣

煨為粉

人參

甘草

炒等分

右每服四錢水煎

一方

治產後自汗盜汗胃氣虛弱服別藥則嘔吐不能入

當歸

黃芪

各一兩

麻黃根

二兩

右每服三錢水煎

治產後氣脫汗不止小便短少四肢難以屈伸

甘草

錢一

附子

炮五錢

桂心

芍藥

炒各一兩

右每服三錢

水煎服虛甚更加以効為度

止汗散

牡蠣

為末半兩

小麥

煨為細末八兩

炒黃

右每服三五錢用猪肉汁調

人參湯

治產後諸虛不足發熱盜汗內熱瞞熱等症

人參

當歸

等分

婦人良方

產後諸虛不足

七

四百三



右為末以猪腰子一枚切片水一鍾糯米半合葱白二根煮取汁八分入藥三錢煎服。

附方

當歸六黃湯 治氣血虛熱盜汗不止不應加人參白朮心血不足加酸棗仁炒

當歸

熟地黃

自製

黃芪

炒各二錢

生地黃

黃柏

炒黑

黃芩

炒黑

黃連

炒黑各一錢

右水煎服

參附湯 治陽氣虛寒自汗惡寒或手足逆冷大便自利或臍腹疼痛吃逆不食或汗多發瘧等症

人參

一錢

附子

炮五錢

右作一劑薑棗水煎徐徐服去人參加黃芪名芪附湯

當歸補血湯 治肌熱躁熱目赤而紅煩渴引飲晝夜不寐

洪大而虛重按全無者

當歸

黃芪

右水煎服

十全大補湯 方見二十四卷第六論

芪附湯 治陽氣虛脫惡寒自汗或口噤痰湧四肢逆冷或吐瀉腹痛飲食不入及一切虛寒等症

黃芪

附子

右作一劑薑棗水煎服如不應倍加附子方得全劑

○產後冒悶汗出方論第七

產後忽冒悶汗出者因陰血虧損陽氣鬱暴故也急吞雞子三枚未醒飲童便或時復發宜竹瀝五合

愚按前症屬大虛宜固元氣為主其汗不止必變柔痙東垣先生云婦人分娩及半產漏下昏冒目瞑蓋因血暴亡而火

上熾但補其血則神自昌若常時血下當補而升舉其氣陽得血而神安則目明矣今立一方以補手足厥陰之血兼益陽氣名曰全生活血湯

全生活血湯 治發熱自汗盜汗目眩暈四肢無力口乾頭暈行步欹側

柴胡

當歸

生地黄

熟地黄

川芎

藁本

各一錢五分

防風

羌活

獨活

葛根

甘草

細辛

各五分

蔓荊子

升麻

芍藥

各三錢

紅花

三分

右每服五錢水煎熱服

○產後汗多變瘧方論第八

產後汗多變瘧因氣血虧損肉理不密風邪所乘其形口噤背強如癰或搖頭馬嘶不時舉發氣息如絕宜速灌小續命湯若

汗出兩手拭不及者不治

愚按前症因去血過多元氣虧極或外邪相搏以致牙關緊急四肢痙強或陰火內動或腰背反張肢體抽搐若有汗而不惡寒者名柔瘧若無汗而惡寒者曰剛瘧由亡過多筋無所養故傷寒汗下過多潰瘍膿血大泄多患之乃敗症也急以十全大補湯治之如不應急加附子多有復甦者亦有六淫七情所致者治法見第三卷第三論

附治驗

一產婦牙關緊急腰背反張四肢抽搐兩目連劄此去血過多元氣虧損陰火熾盛用十全大補加炮薑一劑而甦數劑而安

余在吳江史萬湖第時將入更聞喧攘詢云家人婦產後出

直厨忽仆而死。余意其勞傷血氣而發瘧也。急用十全大補加附子煎滾。令人正其面。開其口。灌之。久不能下。令側其面而出之。換以熱藥。如此五次。方得下咽。遂甦。

小續命湯 治剛瘧或脚氣痺弱不能轉舒行步欹側或口眼喎斜牙關緊急角弓反張。

麻黃 桂心 甘草各半兩 防風三字 芍藥炒 白朮炒 人參 川芎 附子炮 防已酒拌 黃芩炒各等分

右每服五錢。水煎入薑汁少許。溫服。若自汗為柔瘧。去麻黃。有執去附子。減桂一半。盛冬初春去黃芩。

十全大補湯 方見二十四卷第四論  
○產後口噤腰背反張方論第九  
產後口噤由血氣虛而風邪乘於手三陽經也。蓋手三陽之筋

循結於頷。得風冷則筋急。故致口噤。腰背攣急。角弓反張者。是風邪入於諸陽之經也。

愚按前症因氣血耗損。腠理不密。汗出過多而患之者。乃虛象也。宜固氣血為主。佐以木方。丹溪云。產後當大補氣血。為先。雖有他症。以末治之。如惡寒發熱等症。乃氣血虛甚之極也。宜大劑參芪歸朮肉桂。以培養之。如不應急。用炮附子。再不應用人參一兩。炮附子二三錢。名參附湯。借猶未應。乃藥力未能及也。宜多用之。

愈風散 治前症用荆芥略焙為末。每服三錢。豆淋酒下。重便亦可。其効如神。牙緊灌口鼻。

清順散 又名交解散 方見二卷第五論  
治婦人產後不省人事吐涎痰。

當歸 荆芥穗等分

右每服三錢水一盞酒少許煎灌下咽即甦。

愚按前症如有未應者急用大補氣血為主也。

產後中風白癰皮一兩或共獨活三兩酒水煎服。

張仲文用白朮四兩以酒煎頓服。

小續命湯 治產後口噤角弓反張方見前

○產後中風方論第十

產後中風或血氣未復感寒所感以致筋攣拘急口眼喎斜或肢體緩弱入臟則恍惚驚悸郭稽中云產後強力下床或誤入房或憂怒內傷臟腑陳無擇曰當以脉辯而治之若努力下床月內入房憂怒着艾非中風類乃瘵勞火邪之症也

愚按前症果外邪所屬形氣不足病氣有餘當補元氣為主

稍佐以治病之藥若強力下床月內入房屬形氣病氣俱不足當純補元氣多有復甦者若誤投風藥乃促其危也仍參照第三卷諸論主之

治產後身背拘急妄言發熱四肢拘攣不特驚悸

川芎 羌活 羚羊角屑 酸棗仁炒

芍藥炒黃各四兩 桑白皮六分 防風五分 右水煎分三服

治產後中風唇青鼻黑用小續命湯連進三服即愈

產後中風煩渴用紅花子五合炒研水煎徐呷之

獨活寄生湯治前症亦良仍與三卷中風類通看方見後

○產後四肢筋攣方論第十一

產後中風筋脉攣急乃血氣俱虛或風邪容於皮膚則頑癰羸乏若入於筋脉則四肢攣急皆由大經空虛風寒乘虛而漸入

愚按肝屬木而主筋。前症若肝經風熱血燥用加味道遙散如不應。當用六味地黃丸以補腎水。經云風客淫氣精乃亡邪傷肝也。仍參三卷諸論主之。

附治驗

一產婦筋攣臂軟肌肉掣動。此氣血俱虛而自熱也。用十全大補湯而安。

一產婦手麻服愈風丹。遍身皆麻。神思倦怠。余謂氣血虛弱。用十全大補加炮薑數劑漸愈。去薑又數劑。及道遙散而痊。治產後氣血不足。風邪所襲。肢節攣痛。背項強直。

防風 一兩 赤芍藥 炒 桂心 各半 羚羊角 川芎

羌活 當歸 酸枣仁 炒 牛蒡子 炒 各 三錢

右每服四錢水酒煎

愚按前方如未應。當用八珍湯。更不應。用十全大補湯。

加味道遙散

十全大補湯 二方見二十四卷第四論

六味地黃丸 方見二十四卷第十一論

產後癱瘓方論第十二 新附

竊謂癱者筋脉拘急也。瘓者筋脉張縱也。經云肝主筋而藏血。蓋肝氣為陽。為火。肝血為陰。為水。前症因產後陰血去多。陽火熾盛。筋無所養而然耳。故癰疽膿水過多。全瘡出血過甚。則陽隨陰散。亦多致此。治法當用八珍散。加丹皮。釣藤。以生陰血。則陽火自退。諸症自愈。如不應。當用四君。芎歸。丹皮。釣藤。以補脾土。蓋血生於至陰。至陰者脾土也。故小兒吐瀉之後。脾胃虧損。亦多患之。乃虛象也。無風可逐。無痰可消。若屬陽氣脫陷者。用

補中益氣加姜桂陽氣虛敗者用十全大補加桂附亦有復生者此等症候若肢體惡寒脈微細者此為真狀若脈浮大發熱煩渴此為假象惟當固本為善若無力抽搐戴眼反折汗出如珠流者皆不治

附治驗

一產婦因勞兩臂不能屈服蘇合香丸肢體痿軟汗出如水余謂前藥辛香耗散真氣膝理虛而津液妄泄也先用十全大補湯加五味子補實膝理收斂真氣汗頓止又佐以四君子調補元氣漸愈用逍遙散大補湯調理而痊  
一產婦先胸脇乳內脹痛後因怒口噤吐痰臂不能伸小便自遺左三部脈弦余謂此肝經血虛而風火所致不能養筋先用加味道遙散治之臂能屈伸又以補肝散六味丸諸症

悉愈

一婦人發瘵遺尿自汗面赤或時面青飲食如故肝脈弦緊余曰此肝經血燥風熱名瘵也肝主小便其色青入心則赤法當滋陰血清肝火遂用加味道遙散不數劑諸症悉退

附方

海藏愈風湯一名舉鄉古拜散 治一切失血筋脈緊急產後與汗後搐搦

荆芥 為細末

右先以炒大豆黃卷以酒沃之去黃卷取清汁調前末三五錢和滓飲之輕者一服重者二三服中病即止其効如神氣虛者忌服一方用童便調

本事方云此藥委有奇効神靈之功大抵產室無風為佳不

可衣被帳幃太煖太煖卽汗出汗出則腠理開易於中風便  
昏冒一婦人產後遮護太密更生旺火睡久及醒則昏昏如  
醉不醒人事用此藥佐以交加散服之卽睡睡中必以左手  
搔頭覺必醒矣良久果驗

交加散 治瘵癢或顛振或產後不省人事口吐痰涎

當歸 荆芥穗等分

右為細末每服二錢水一盞酒少許前至七分灌下神效。

增損柴胡湯 治產後或經適斷致手足牽搐咬牙昏冒異症

柴胡 八錢 黃芩 炒四錢 人參 半夏 各三錢

石膏 四錢 知母 二錢 黃芪 炒五錢 甘草 炙二錢

右為粗末每服半兩薑五片棗四枚水煎溫服

四君子湯

補中益氣湯 二方見二十四卷第六論

○產後脚氣方論第十三

論曰產後脚氣因元氣內虛六淫外侵所致其狀發熱瞽悶搐  
掣驚悸心煩嘔吐氣上用小續命湯治之若以為敗血攻之則  
誤矣

愚按前症當補氣血為主佐以小續命湯寄生湯如不應  
用 大防風湯仍參第一卷九論主之已上十一症誠似小兒慢  
驚風無風可逐無痰可清但專補元氣庶保其生

附治驗

一產婦患前症或用獨活寄生湯而痊後復作服之其汗如  
水更加口噤吐痰余用十全大補湯培養血氣漸愈後飲食  
日少肌體日瘦吐痰如瀉此命門火衰脾土虛寒用八味丸

婦人良方卷之十九  
及加味歸脾湯諸症漸退肌肉漸生

獨活寄生湯 治風邪內攻兩脛腫痛或緩縱攣痺等症方見四卷第七論

小續命湯 方見前

大防風湯 方見二十四卷第九論

十全大補湯

加味歸脾湯 二方見二十四卷第四論

八味丸 方見十五卷第十一論

婦人良方卷之十九

婦人良方卷之二十

薛氏醫按

臨川陳自明編 吳郡薛 已註

新都閔道政 校正

產後門

○產後遍身疼痛方論第一

產後遍身疼痛者由氣虛百節開張血流骨節以致肢體沉重不利筋脈引急發熱頭痛宜用趁痛散治之陳無擇云若兼感寒傷食宜用五積散若誤作傷寒發汗則筋脈抽搐手足厥冷則變為瘧當大補氣血為主

愚按前症若以手按而痛益甚是血瘀滯也用四物炮薑紅花桃仁澤蘭補而散之若按而痛稍緩此是血虛也用四物炮薑人參白朮補而養之



附治驗

一產婦身腹作痛發熱不食煩燥不寐盜汗脇痛服解散祛血之藥不時昏憤六脉洪大如無用補中益氣加炮薑半夏一劑頓退二三又劑寢食甘美但背強而痛用八珍散大補湯調理而安

一產婦遍身頭項作痛惡寒拘急脉浮緊此風寒之症也用五積散一劑汗出而愈但倦怠發熱此邪氣去而真氣虛也用八珍湯調補而痊

赴痛散 治產後骨節疼痛發熱頭重四肢不舉

牛膝 酒炒 甘草 炒 薤白 各一兩 當歸 桂心

白朮 炒 黃芪 炒 獨活 生薑 各半兩 右每服半兩

五積散 方見四卷第九論

附方

四物湯

補中益氣湯 二方見二十四卷第六論

八珍湯

十全大補湯 二方見二十四卷第四論

產後腰痛方論第二

腎主腰脚產後腰痛者蓋腎為胎胞所繫此因產勞傷腎氣以致風冷客之若連背脊痛久未已後遇娠必至損動

愚按前症真氣虛邪乘之者用當歸黃芪湯或十全大補為主佐以寄生湯如不應用十全大補加附子

附治驗

一產婦腰痛腹脹善噫諸藥皆嘔余以為脾虛血弱用白朮

一味炒黃。每劑一兩米泔煎。時飲匙許。四劑後漸安。百餘劑而愈。

治產後風邪頭眩腰痛不可轉側四肢沉重行步艱難。

獨活

川芎

芍藥炒黃

桂心

續斷

生薑

桑寄生各六分

當歸

防風各八分

右水煎服

如神湯即生料五積散加桃仁逐敗血去風濕

產後惡露不盡腰重痛或兩股痛如錐刺宜服桃仁湯若作癰

用五香連翹湯

桃仁湯

治產後惡露不盡腹中作痛或流注腿股作痛急用

此湯治之如未應多變作癰須用五香連翹湯

桃仁去皮

蘇木

生地黄各半兩

蠹蟲去足

水蛭炒各三

右每服五錢羌水煎空心熱服以惡露下為度

五香連翹湯

木香

丁香

沉香

乳香

麝香

升麻

獨活

桑寄生

連翹

木通各二兩

右每服江錢水煎入竹瀝少許服

當歸黃芪湯

治腰痛不可轉側或汗出壯熱氣短

黃芪炒

芍藥各二兩

當歸三兩

右每服四錢水煎

附方

十全大補湯治症同前。又治自汗盜汗或內熱肺熱潮熱發熱或口乾作渴喉痛舌裂或胸乳膨脹脇肋作痛或臍腹陰冷二便不調或頭頸時痛眩暈目花或心神不寧恍惚不寐或形容不充肢體作痛或鼻吸氣冷急趨氣促或因飲食勞役起居失宜或更有一切虛熱之症但服此藥補其根本諸症

婦人良方 卷第四論

悉退 方見二十四卷第四論

獨活寄生湯 方見四卷第七論

○產後惡露不絕方論第三

產後惡露不絕。因傷經血。或內有冷氣。而臟腑不調。故也。愚按前症。若肝氣熱。而不能主血。用六味地黃丸。若肝氣虛。不能藏血。用逍遙散。若脾氣虛。而不能攝血。用六君子湯。胃氣下陷。而不能統血。用補中益氣湯。若脾經鬱熱。而血不歸源。用加味歸脾湯。若肝經怒火。而血妄行。用加味四物湯。若氣血俱虛。用十全大補湯。若肝經風邪。而血沸騰。用一味防風丸。

附治驗

一產婦惡露淋漓。體倦面黃。食少惡寒。晝夜不寐。驚悸汗出。

此脾經虛熱。用加味歸脾湯。而痊。後因怒。脇脹。作嘔。少食用。六君加柴胡治之。而痊。

一方用蒲黃二兩。水煎頓服。

一方貫眾醋醃炙乾為末。每服二錢。米飲調下。

返魂丹 一名益母草丸 治產後惡露不絕。及胎前產後諸症。 益母草四五月採取

陰乾用葉及子。子名充蔚子。不許犯鐵器。 為末。煉蜜丸。彈子大。每服一丸。細嚼。

米飲下。臨產腹痛。或胎動不安。或漏血。當歸湯化下。死胎。或胎衣不出。或牙關緊急。或血暈。血熱煩悶。如見鬼神。併童子小便入酒。少許化下。惡露腹痛。或淋瀝。或月水不調。當歸酒化下。

附方

六味丸 方見二十四卷第十一論

婦人良方 卷第十一論

加味逍遙散

加味歸脾湯

十全大補湯 三方見二十四卷第四論

補中益氣湯

六君子湯

加味四物湯 三方見二十四卷第六論

一味防風丸 方見十二卷第六論

○產後惡露不下方論第四

產後惡露不下。因臟腑勞傷氣血虛損或風冷相搏所致。

愚按前症若惡露不下。用失笑散若氣滯血凝用花蓋石散。

若因去血過多而煩熱不止宜參第七論主治。

附治驗方藥

一產婦患前症服峻厲之劑惡露隨下久而昏憒以手護其

腹余曰此脾氣復傷作痛故用手護也以人參理中湯加肉

桂二劑補之而愈

失笑散 方見後

人參理中湯 方見後

花蓋石散 方見十八卷第四論

返魂丹 方見前

○產後惡露上攻心痛方論第五

產後心痛為陰血虧損。墮火上衝心絡名曰心胞絡痛宜大岩

蜜湯治之若寒傷心經名曰真心痛朝發夕死夕發朝死無藥

可救

愚按前症若陽氣虛寒用岩蜜湯溫之瘀血上衝用失笑散

散之血既散而痛仍作用八珍湯補之大凡肚腹作痛以手按之却痛此血虛也須用補養之劑。

附治驗

一產婦患前症昏憤口禁冷汗不止手足厥逆用六君子加附子一錢以廻其陽二劑頓甦又以十全大補湯養其血氣而安。

一產婦患前症手不敢近腹用失笑散一服下瘀血而愈次日復痛亦用前藥而安。

一產婦患前症用大黃等藥其血雖下復患頭痛發熱惡寒次日昏憤自以兩手堅護其腹不得診脈視其面色青白余為脾氣虛寒而痛也用六君子湯加薑桂而痛止又用八珍湯加薑桂調理而安。

大岩蜜湯 治產後陽氣虛寒心腹作痛不食嘔吐四肢厥逆

生地黃

當歸

獨活

吳茱萸

芍藥

乾薑

甘草

桂心

小草

細辛

右每服半兩水煎服

失笑散 治產後惡血上攻心腹作痛或牙關緊急一服可愈

五靈脂

蒲黃

右醋水煎一味五靈脂尤妙

六君子湯 方見二十四卷第六論

十全大補湯

八珍湯 方見二十四卷第四論

○產後惡露腹痛方論第六

產後腹痛或因外感五邪內傷六淫或瘀血壅滯所致當審其因而治之。

婦人良方

薛氏醫案卷之二十一

愚按前症若瘀血內停用失笑散風寒外感用五積散  
附治驗

一婦產後小腹痛甚牙關緊急此瘀血內停灌以失笑散下  
血而甦又用四物加炮薑白朮陳皮而愈

一婦人經水來比常度過多不止遂服瀉藥止之致腹作痛  
此乃氣血凝滯也用失笑散二服而愈

隱居澤蘭湯 治產後惡露腹痛或胸滿少氣

澤蘭 生地黄 當歸 芍藥 生薑 各一錢

甘草 炒五分 大棗 四個 右水煎服

四物湯 方見二十四卷第六論

五積散 方見第四卷第九論

失笑散 方見前

○產後兒枕腹痛方論第七

產後兒枕者乃母胎中宿血也或因風冷凝滯於小腹而作痛  
愚按前症若宿血作痛失笑散行之既散而仍痛四神散誦  
之若惡心作嘔此屬氣虛用六君正健其胃氣若發熱頭痛  
或腹痛按而不痛此屬血虛用四物炮薑參朮補其脾氣

附治驗

一產婦患前症或用驅逐之劑昏憤口噤手足發搐此血氣  
虛極之變症也用八珍湯加炮薑二錢四劑未應又以十全  
大補湯加炮薑一錢二劑而甦  
一方用山查濃煎汁入砂糖少許再煎熱服

失笑散 方見前

四神散 方見第四卷第四論

婦人良方

薛氏醫案卷之二十一

七

四百五

婦人良方 薛氏醫案卷之二十一  
四物湯 二方見二十四卷第六論

八珍湯

十全大補湯 二方見二十四卷第四論

○產後小腹痛方論第八

產後小腹痛。由惡露凝結。或外寒相搏。若久而不散。必成血瘕。而月水不調。

愚按前症。若因氣滯。用延胡索散。若因外寒。用五積散。若用怒氣。用四物加木香柴胡。若因血虛。用四物參朮炮薑。若因陽氣虛弱。用四君。當歸炮薑。若因脾虛血弱。用六君。當歸炮薑治之。

附治驗

一產婦患前症。或作嘔。或胃曠。此脾氣虛寒。用人參理中湯。

漸愈。又以補中益氣湯。加茯苓半夏全愈。後復作痛。而兼喘。仍用補中益氣湯。培補脾肺而瘥。

延胡索散 治產後惡血凝滯。臍下作痛。或作寒熱。

延胡索

桂心

各半兩

當歸

一兩

右為末。每服二錢。食前用熱酒調下。失笑散尤效。

當歸養血丸 治產後瘀血心腹脹痛。或腰脚疼痛。

當歸

赤芍藥

牡丹皮

延胡索

炒各二兩

桂心

一兩

右為末。煉蜜丸。桐子大。每服三四十九丸。溫酒下。

附方

人參理中湯 治陽氣虛弱。小腹痛。或脾胃虛弱。飲食少思。或去後無度。或嘔吐腹痛。或飲食難化。胃膈不利。加附子名湯

人參 白朮 乾薑炮 甘草炙各等分

右每服五七錢或一兩水煎服

五積散 方見四卷第九論

四物湯

四君子湯

補中益氣湯 三方見二十四卷第六論

○產後寒症腹痛方論第九

產後臍腹作痛乃冷氣乘虛也用當歸建中湯治之陳無擇云若產當寒月人門臍下脹痛手不可近者用羊肉湯治之

愚按前症若脾胃虛弱寒邪所侵用蟠葱散若肝經濕熱小便不利用龍膽瀉肝湯仍參前論恐有瘀血為患

附治驗

一產婦小腹作痛小便不利內熱脯熱形體倦怠余用加味

逍遙散以清肝火生肝血用補中益氣湯補脾胃升陽氣產而

羊肉湯 治產婦脾虛寒邪所乘以致腹痛或頭眩脇臍急痛

精羊肉 四兩 當歸 川芎 各半兩 生薑 一兩

右以水十盞煎至四盞分四次空心服

蟠葱散

龍膽瀉肝湯 二方見第二十四卷第八論

加味逍遙散

補中益氣湯 二方見第二十四卷第四論

○產後兩脇脹痛方論第十

產後兩脇脹痛因惡露不盡或肝經血虛或肝經氣滯當分而治之



愚按前症若肝經血瘀用玄胡索散若肝經氣滯用四君子湯  
皮柴胡若肝經血虛用四物參朮柴胡氣血俱虛用八珍柴  
胡若腎水不足不能生肝用六味丸若肺金勢盛尅制肝木  
用瀉白散仍參照前各論主之

附治驗

一產婦因怒兩脇脹痛吐血甚多發熱惡寒胸腹脹痛余以  
爲氣血俱虛用八珍加柴胡丹皮炮薑而血頓止又用十全  
大補湯而寒熱漸退此症苟非用薑桂辛溫助脾肺以行藥  
勢不惟無以施其功而反助其脹耳

經效方治產後肝經氣滯不平脅助腹痛或寒熱往來內熱

當歸一錢五分芍藥炒苦梗炒檳榔枳殼炒各

桂心五分青木香各六分右水煎服

當歸散 治產後陰血虛弱或氣滯血凝以致發熱腹痛或腹

脅脹滿以當歸乾薑等分每服三錢水煎

抵聖湯 治血滯腹痛或腹悶滿嘔吐不食方見後卷第八論

四君子湯

四物湯二方見二十四卷第六論

八珍湯方見二十四卷第四論

六味丸方見二十四卷第十一論

瀉白散方見五卷第二論

玄胡索散方見前

○產後積聚癥塊方論第十一

夫積者陰氣也五臟所生聚者陽氣也六腑所成然積爲陰陰  
性沉伏故痛不離其部聚爲陽陽性浮動故痛無常處皆由飲

食不節起居失宜產後血氣虛弱風冷所乘搏於臟腑耳  
愚按前症乃真氣虧損邪氣乘之况產後得之尤當固元氣  
為主若求旦夕之效而攻其邪則速其危矣當參前六七論  
及七卷痲癖諸論治之

附治驗方藥

一產婦腹中似有一塊或時作痛而轉動按之不痛面色痿黃  
痛則皎白脉浮面濇余謂此肝氣虛而血弱也不信乃行破  
血行氣痛益甚轉動無常又認以為血贅專用破血祛逐之  
藥痛攻兩脇肚腹尤甚益信為贅確服下蟲等藥去血甚多  
形氣愈虛肢節間各結小核隱於肉裏以為贅子畏藥而走  
於外余云肝藏血而養諸筋此因肝血復損筋涸而攣結耳  
蓋肢節胸項皆屬肝胆部分養其脾土補金水以滋肝血則

筋自舒遂用八珍湯逍遙散歸脾湯加減調治而愈

一婦月經不調兩拘腫脹小便澁滯腹中一塊作痛或上攻  
脇腹或下攻小腹發熱晡熱寒肌膚消瘦飲食無味殊類  
瘵症久而不愈余謂肝脾血氣虧損用八珍湯逍遙散歸脾  
湯隨症互服而愈

逍遙散

八珍湯

歸脾湯三方見二十四卷第四論

產後血癥方論第十二

產後瘀血與氣相搏名曰癥謂其痛而無定處此因風有風冷  
而成輕則否澁重則不通

愚按前症乃寒邪乘客氣血壅結此因氣病而血病也當補

養胃氣調和月經寬緩靜養為善。難經云任脈之病男子為七疝女子為瘕聚。當參前後各論知之。

治血痕作痛臍下脹滿或月經不行發熱體倦。  
當歸八分桂心芍藥血竭蒲黃炒各六分

延胡索分四右為末每服二錢空心酒調下。

葛氏方治症同前用桂心為末每服一錢空心酒調下。

產後餘血奔心煩悶方論第十二

產後餘血奔心蓋因分娩後不飲童便以致虛火上炎所致宜用後方主之。

愚按前症當與前第五論同治。

金黃散 治惡熱上衝肚腹作痛或發熱作渴。

延胡索蒲黃各一分桂心二分右為末酒調下。

一方用炒蒲黃每服二錢水煎服失笑散亦佳。

○產後虛煩發熱方論第十四 原無論

竊謂前症乃陽隨陰散氣血俱虛若惡寒發熱煩躁作渴急用十全大補湯若熱愈甚急加桂附若作渴面赤宜用當歸補血湯若誤認為火症投以涼劑禍在反掌。王太僕先生云如大寒而甚熱之不熱是無火也熱來復去晝見夜伏夜發晝止不時而熱是無火也當治其心。如大熱而甚寒之不寒是無水也熱動復止倏忽往來時動時止是無水也當助其腎。故心盛則生熱腎盛則生寒。腎虛則寒動於中心虛則熱收於內。又熱不勝寒是無火也寒不勝熱是無水也。治法前症無水者六味丸無火者八味丸氣血俱虛者八珍湯與十全大補湯。

附治驗

大尹俞君之內產後發熱嘔熱吐血便血兼盜汗小便頻數胃脇脹痛肚腹痞悶余曰此諸臟虛損也症當固本為善自恃知醫用降火之劑更加瀉利腸鳴嘔吐不食腹痛足冷始信余言診其脉或浮洪或沉細或如無其面或青黃或赤白此虛寒假熱之狀時雖仲夏當捨時從症先用六君子加炮薑肉桂數劑胃氣漸復諸症漸退更佐以十全大補湯半載全愈

儒者楊敬之內人所患同前但吐痰涎或用溫補化痰之劑不應面色黧黑兩尺浮大按之微細此因命門火虛不能生脾土脾土不能生諸臟而為患也用八味丸補土之母而痊人參當歸湯治產後虛煩短氣煩悶

人參

當歸

麥門冬

桂心

生地黄

各二錢

大棗

四枚

粳米

一合

淡竹葉

二錢

芍藥

炒黃一錢

石水煎服

蒲黃散

治症同上。方見前兒枕病。

四物湯加伏神遠志治產後虛煩十全大補湯尤效

六味丸

八味丸

二方見二十四卷第十一論

八珍湯

十全大補湯

二方見二十四卷第四論

六君子湯

方見二十四卷第六論

婦人良方卷之二十

終

婦人良方卷之二十一

薛氏醫按

臨川陳自明編

吳郡薛

已註

新都閔

道政

校正

產後門

○產後口乾痞悶方論第一

論曰產後口乾痞悶因食米麪乾飯太早脾胃不能消化熱鬱所致慎不可下但服見現丸則愈無擇云若內積憂煩外傷燥熱宜四物湯去地黃加人參烏梅可愈

愚按前症若宿食停滯用六君枳實神麪若因肉食所致更加山查若因魚鱸之類再加陳皮其藥既消而仍痞或反作痛作嘔此脾胃受傷用六君子湯或噍酸噉腐加炮薑作瀉更加升麻如不應佐以四神丸或間用補中益氣湯

附治驗

一婦人食角黍煩渴痞悶腹痛大便欲去不去服消導等藥不應飲食日減肌體日瘦半年矣余謂此食積為患用大酒麴炒為末溫酒調服二錢俄聞腹鳴良久仍下糞而愈一婦人食魚鮓腹痛患痢諸藥不應服用陳皮白朮等分為末以陳皮湯送下數服而愈

見現丸

薑黃炒

三稜醋炒

華澄茄

陳皮

良薑

人參

莪茂酒炒各等分

右為末用蘿蔔汁糊丸桐子大每服三十丸白湯下

產後心煩發渴宜清心蓮子飲

方見第六卷首論

附方

六君子湯

補中益氣湯

二方見二十四卷第六論

四神丸

方見八卷第八論

○產後血渴方論第二

竊謂前症若出血過多虛火上炎用童子小便或四物白朮麥門丹皮若胃氣虛而有熱用竹葉歸芪湯若血虛發熱用八珍加麥門五味若血脫發熱煩躁用當歸補血湯若胃氣虛弱用補中益氣湯或七味白朮散

附治驗

一產婦患前症朝寒暮熱肚腹作痛以手按之不痛余以為血氣俱虛用八珍之類治之彼反行逐血更加發熱煩躁余用當歸補血湯熱躁漸止用八珍麥門五味氣血漸復

附方

七味白朮散

治中氣虛弱津液短少口乾作渴或因吐瀉所致者

人參 白朮炒 木香 白茯苓 甘草炒

藿香 乾葛各一錢 右水煎服

竹葉歸芪湯 治胃氣虛熱口乾作渴惡冷飲食者

竹葉一錢五分 當歸一錢 黃芪二錢 白朮 人參各一錢

麥門冬七分 甘草炒五分 右水煎服

四物湯

補中益氣湯 二方見二十四卷第六論

八珍湯 方見二十四卷第四論

當歸補血湯 方見二十四卷第十一論

○產後乍寒乍熱方論第三

產後乍寒乍熱由血氣虛損陰陽不和若陰勝則乍寒陽勝則乍熱宜用增損四物湯若因敗血不散腹內作痛宜用奪命丹後用增損四物湯隨病加減無擇云敗血流閉諸陰則熱用大調經散五積散

愚按前症若因陽氣不足陰氣上入於陽中而惡寒者用補中益氣湯若因陰氣不足陽氣下陷於陰中而發熱者用六味地黃丸若氣血不足而惡寒發熱者用八珍湯若病後寒熱倦怠者用補中益氣湯若肌熱大渴目赤面紅者用當歸補血湯

附治驗

一產婦惡寒發熱余以為血氣虛寒用十全大補加炮薑而

寒熱愈用補中益氣而肢體安又食後犯怒惡寒發熱抽搐  
咬牙面色青中隱黃此肝木侮脾土飲食停滯用六君子加  
木香一劑而安

一產婦惡寒發熱余以為氣血俱虛不信反用小柴胡湯致  
汗出譫語煩熱作渴肢體抽搐余用十全大補二劑益甚脉  
洪大重按如無此藥力不能及乃加附子四劑稍緩數劑而  
增損四物湯

人參 當歸 芍藥 川芎 乾薑

甘草 四錢 右每服四錢水薑煎

大調經散 治產後惡露未消寒熱白汗或肚腹作痛

大豆 一兩半 炒去皮 茯神 一兩 真琥珀 一錢

右為末每服二錢空心濃煎烏豆紫蘇湯調下

附方

六君子湯

補中益氣湯 二方見二十四卷第六論

當歸補血湯 方見二十四卷第十一論

八珍湯

十全大補湯 二方見二十四卷第四論

六味地黃丸 方見二十四卷第十一論

○產後瘧疾方論第四

郭稽中云產後乍寒乍熱者多是敗血為害或陰陽不和若槩  
作瘧疾治之誤矣陳無擇云產後寒熱或一二日或二三日一  
發或先寒後熱或先熱後寒或寒多熱少或熱多寒少或純寒  
純熱者皆是瘧疾最難治療可用草菓飲生熟飲四獸飲選用



愚按前症當與第十四卷第十論參看用藥以補胃氣為主  
佐以草菓飲之類若胃氣稍充以草菓飲為主佐以補胃之  
劑大抵產後瘧疾因脾胃虛弱飲食停滯或外邪所感或鬱  
怒傷脾或暑邪所伏審係飲食用六君加桔梗蒼朮藿香如  
外邪多而飲食少用藿香正氣散如外邪少飲食多用人參  
養胃湯勞役所傷用補中益氣湯氣血虛弱用十全大補加  
炮薑中氣虛寒用六君加薑桂元氣脫陷急加附子蓋氣虛  
則寒血虛則熱胃虛則惡寒胃氣下陷則寒熱交作或吐瀉  
不食腹痛煩渴發熱譫語或手足逆冷寒戰如慄雖見百症  
但溫補脾胃其病自退若誤用清脾飲則中氣傷而變症多  
草菓飲 治產後瘧疾寒熱相半者或多熱者

半夏炮 赤茯苓 甘草炙 草菓炮去皮 川芎 陳皮

白芷各一錢 青皮去白 良薑 紫蘇二錢 乾葛四錢

右咬咀三錢水一鍾薑三片枣二枚煎至七分當發日侵

連服三服無有不安者

生熟飲子 治產後瘧疾多寒者

肉豆蔻 草果仁 厚朴生用去皮 半夏 陳皮

甘草 大棗去核 生薑

右八味等分半用生半用濕昏裹煨令香熟去紙與生者和  
勻每服五錢水二盞煎七分食前一服食後一服

清脾飲 治產後瘧疾熱多寒少

養胃湯 治產後瘧疾寒多熱少

七寶飲 久不已者用截之三方見十四卷第九論

附方

六君子湯

補中益氣湯 二方見二十四卷第六論

十全大補湯 方見二十四卷第四論

○產後蓐勞方論第五

夫產後蓐勞者。此由生產日淺。血氣虛弱。飲食未平。復不滿日月。氣血虛羸。將養失所。而風冷客之。風冷搏于氣血。則不能溫于肌膚。使人虛乏勞倦。乍臥乍起。顏容憔悴。食飲不消。風冷邪氣而感于肺。肺受微寒。故咳嗽口乾。遂覺頭昏。百節疼痛。榮衛受于風邪。流注藏府。須臾頻發。時有盜汗。寒熱如瘧。背膈煩悶。四肢不舉。沉重着床。此則蓐勞之候也。

又論曰。婦人因產理不順。疲極筋力。憂勞心慮。致令虛羸喘乏。寒熱如瘧。頭痛自汗。肢體倦怠。咳嗽痰逆。腹中絞刺。名曰蓐勞。

愚按前症。當扶養正氣為主。用六君子湯。加當歸。若脾肺氣虛而咳嗽口乾。用補中益氣。加麥門五味。若因中氣虛而口乾頭暈。用補中益氣。加蔓荊子。若肝經血虛而肢體作痛。用四物參朮。若因肝腎虛弱而自汗盜汗。寒熱往來者。用六味丸。加五味子。若因脾虛血弱。肚腹作痛。月經不調。用八珍湯。倍加白朮。若因脾虛血燥。皮膚瘙癢。用加味逍遙散。大抵此症多因脾胃虛弱。飲食減少。以致諸經疲憊。而作。當補脾胃。飲食一進。精氣生化。諸臟有所倚賴。其病自愈矣。仍照虛煩發熱方論主治。

增損柴胡湯 治產後虛弱。寒熱如瘧。食少腹脹。

柴胡 人參 甘草 半夏 陳皮

川芎 白芍藥 右每服五錢水薑棗煎日二服

白茯苓散 治產後蓐勞頭目四肢疼痛寒熱如瘧

白茯苓 一兩 當歸 川芎 桂心

白芍藥 炒 黃芪 人參 各半 熟地黃 半兩 自製

右先以水三盞入猪腎一雙薑朮各三事煎二盞去之入前

藥半兩煎一盞服

猪腰子粥 治產後蓐勞發熱用猪腰子一枚去膜切片用鹽

酒拌先用粳米一合入葱椒煮粥鹽醋和將腰子鋪碗底以

熱粥蓋之如作齋生狀空心服

黃芪建中湯 治產後諸虛不足發熱或惡寒腹痛

黃芪 炒 肉桂 各一 白芍藥 炒 甘草 炒 七

右每服五錢用薑朮煎日二三服虛甚須加附子

附方

六君子湯

補中益氣湯

四物湯 三方見二十四卷第六論

六味丸 方見二十四卷第十一論

八珍湯

加味逍遙散 二方見二十四卷第四論

○產後虛羸方論第六

產寶云產後虛羸者皆由產後虧損血氣所致須當慎起居節飲食六淫七情調養百日庶保無疾若中年及難產者毋論日期必須調養平復方可治事否則氣血復傷虛羸之症作矣

愚按前症產傷氣血者用八珍湯飲食傷胃者用四君子湯停食傷脾者用六君子湯勞傷元氣者用補中益氣湯若峻

氣覺有藥味者。此藥復傷胃也。但用四君子湯。徐徐少飲。以調脾胃。若胃氣一健。血氣自生。諸症自愈矣。

黃雌雞湯 治產後虛羸腹痛。

小黃雌雞一隻去頭足翅

當歸

白朮炒

熟地黃自製

桂心

黃芪炒各半兩

右先以水七鍾煮雞至三鍾。每用汁一鍾。藥四錢煎日三服。十全大補湯 治產後氣血未復。形體虛弱。發熱惡寒等症。見方

第二十四卷 第四論

○產後風虛冷勞方論第七

產後氣血勞傷。臟腑虛弱。若風冷乘之。血氣愈虛。形氣羸損。風冷入臟。令人無子。謂之風虛冷勞也。

愚按前症若血氣虛弱。用八珍湯。血氣虛寒。用十全大補湯。

胃氣虛弱。用補中益氣湯。脾氣虛弱。用六君子湯。命門火衰。用八味丸。肝脾血虛。用加味逍遙散。肝脾鬱怒。用加味歸脾湯。

產寶方治產後虛羸不生肌肉。

黃芪炒

當歸

芍藥炒

人參各三錢

桂心

甘草炒

川芎

生薑各四錢

大棗十二枚

右水煎分三服

又方猪腎一雙。煮入蔥豉。作臠。如常食之。

○產後腹脹嘔吐方論第八

產後腹脹滿悶嘔吐者。因敗血散於脾胃。不能運化而致。宜用抵聖湯治之。

愚按前症若敗血散於腸胃。宜用前方。若飲食停於脾。宜用六君子湯。若飲食傷於胃。宜用六君子湯。大凡損其脾者。當節其飲食為善。

附治驗

一產婦患前症或用抵當湯。敗血已下。前症益甚。小腹重墜。似欲去後。余謂此脾氣虛而下陷。用補中益氣湯。加炮薑。溫補脾氣。重墜如失。又用六君子湯而安。

抵聖湯

赤芍藥 半夏 澤蘭葉 人參 陳皮

甘草炒各一錢 右用生薑焙乾半兩水煎

愚按前方最宜用之

附方

六君子湯

補中益氣湯一方見二十四卷第六論

○產後嘔逆不食方論第九

經云胃為水穀之海。以養臟腑。因產後胃氣虛弱。飲食所傷。必致嘔逆。故不食也。

愚按前症若因飲食過時。用四君子湯。飲食過多。用六君子湯。飲食過時而兼勞役。用補中益氣。若因飲食停滯。用人參養胃湯。脾胃氣虛。用六君子湯。胃氣虛寒。加炮薑。木香。寒水侮土。用益黃散。肝木侮脾。土用六君。升麻。柴胡。命門火衰。不能生土。用八味丸。嘔吐泄瀉。手足俱冷。或肚腹作痛。乃陽氣虛寒。急用附子理中湯。多有生者。

附治驗

一產婦朝吐痰。夜發熱。晝夜無寐。或用清痰降火。肌體日瘦。飲食日少。前症愈甚。余曰。早間吐痰。脾氣虛也。夜間發熱。肝血虛也。晝夜無寐。脾血耗也。遂用六君子湯。加味逍遙散。加

婦人良方  
味歸脾湯以次調補而痊。

開胃散 治產後胃虛嘔吐胸滿不食。

呵子肉 兩半 人參 一兩 甘草 炒半

右每服五錢薑水煎

治產後胃虛嘔逆。

橘紅 一兩 半夏 甘草 炒各 藿香 三兩

右每服五錢薑水煎

治產嘔逆不食白木 錢五 薑 錢六 水煎徐徐溫服。

石蓮散 治產後胃寒咳逆嘔吐不食或腹作脹。

石蓮肉 兩半 白茯苓 一兩 丁香 五錢

右為末每服二錢不拘時用薑湯或米飲調下日三服

附方

錢氏益黃散 治脾土虛寒水反來侮以致嘔吐不食或肚腹

作痛或大便不實手足逆冷等症

陳皮 一兩 青皮 呵子肉 甘草 炙 丁香 二錢

右為粗末每服四錢水煎服。

人參養胃湯 治外感風寒內傷飲食寒熱頭疼或作瘧疾。

半夏 厚朴 製 橘紅 八分 藿香葉 草菓

茯苓 人參 五分 甘草 炙 三 蒼朮 一錢

右薑七片烏梅一個水煎服。

四君子湯

補中益氣湯 二方見二十四卷第六論

八味丸 方見二十四卷第十一論

附子理中湯 方見二十卷第八論

婦人良方 錢氏養胃湯 二二二

加味道遙散

加味歸脾湯

二方見二十四卷第四論

○產後霍亂方論第十

產後霍亂因臟腑虛損飲食不消觸冒風冷所致若熱而飲水者五苓散寒而不飲水者理中丸虛冷者加附子來復丹尤妙愚按此症當與後卷第十一論互相主治。

附治驗

一產婦停食霍亂用藿香正氣散之類已愈後胸腹膨脹飲食稍過即嘔吐或作泄瀉余謂此脾胃俱虛用六君子湯加木香治之漸愈後因飲食失調兼悲怒患霍亂胃腹大痛手足逆冷用附子散又用八味丸以補土母而康設泥痛無補法而用辛散或用平補之劑必致不起。

一產婦吐瀉酸面目浮腫此脾氣虛寒先用六君加炮薑為主佐以越鞠丸而嘔酸愈又用補中益氣加茯苓半夏而脾胃康

白朮散

治脾胃傷吐瀉腹痛煩渴手足逆冷或大便不實

白朮

橘紅

麥門冬

去心人參

乾薑

炮各一兩

甘草

半兩

右每服四錢薑水煎

附子散

治脾胃虛寒吐瀉腹痛手足逆冷或自汗口禁

附子

炮

白朮

炒

當歸

吳茱萸

丁香

橘紅

甘草

炒各半兩

右為末每服二錢粥飲調若脾胃虛用參苓白朮散

附方

藿香正氣散

治外感風寒內停飲食頭疼寒熱或霍亂泄瀉

或作瘧疾

藿香一錢五分

桔梗炒

大腹皮

紫蘇

茯苓

白芷

半夏麴

陳皮

白木炒

厚朴製各一錢

甘草炙五分

右薑朮水煎熱服

五苓散

白木炒

猪苓各一錢

桂三分

澤瀉二分

茯苓一錢

右水煎服

理中丸

治脾胃虛寒嘔吐泄瀉飲食少思肚腹膨脹

人參

白木炒

乾薑炮

甘草炙各一錢

右為末米糊丸彈子大每服一丸嚼細白湯下

來復丹

治伏暑泄瀉身熱脈弱其效如神愴卒間須用此藥

硝石一兩同硫黃火上微炒用

大陰玄精石研

舶上硫黃各一兩

五靈脂去砂

青皮

陳皮各二兩

右為末醋糊丸小豆大每服三十丸空心米飲下

易簡方云硝石性寒佐以陳皮其性疎快硫黃性寒味澁若

作煖藥以止瀉誤矣蓋由啖食生冷或冒暑熱之氣中脘閉

結揮霍變亂非此藥不能通利三焦分理陰陽其功甚速

六君子湯

方見二十四卷第六論

八味丸

方見二十四卷第十一論

婦人良方卷之二十一

婦人良方

薛氏醫案卷之二十一

七

四百六



婦人良方卷之二十二  
薛氏醫按

婦人良方卷之二十二

薛氏醫按

臨川陳自明編 吳郡薛 已註

新都 閔道政 校正

產後門

產後寒熱方論第一

產後發熱頭痛身疼。雖如傷寒時氣。雖當用麻黃。亦不可輕易。如早起勞動。為寒所傷。則漸漸惡寒。翁翁發熱。頭項肩背骨節。皆痛。至七八日。乃差。若大便堅。作嘔。不能食用。小柴胡湯。加生薑地黃主之。

愚按病機要云。治胎產之病。從厥陰經論之。無犯胃氣。及上中二焦。為之三禁。不可汗。不可下。不可利小便。發汗者。同傷寒下之。早證利大便。則脈數而已動於脾。利小便。則內亡津。

液胃中枯燥製藥之法能不犯三禁則榮衛自和而寒熱止  
人參當歸散 治去血過多內熱短氣頭痛悶亂骨節作痛或  
虛煩咽燥

人參

當歸

生地黃

桂心

麥門冬

去心各一兩

白芍藥

右粳米一合竹葉十片水二鍾煎一鍾去之入藥五錢棗二

枚煎服虛甚用熟地黃

小柴胡湯

治傷風四肢煩熱頭疼若頭不疼而作煩二物黃

芩湯

方見二十四卷第二論

二物黃芩湯

黃芩

半兩

苦參

一兩

生地黃

二兩

右每服四錢水煎

增損柴胡湯

治虛弱寒熱少食腹脹等症

方見勞瘵

竹葉防風湯

治產後傷風發熱面赤氣喘頭痛

淡竹葉

把半

防風

人參

桂枝

苦梗

甘草

各半兩

葛根

一兩半

右每服五錢薑棗水煎汗出項強加附子嘔加半夏

治惡露不盡晝則明了暮則譫語寒熱如見鬼此熱入血室用

柴胡地黃湯或四物加柴胡

方見六卷十五論

產後頭痛方論第二

夫頭者諸陽之會也產後胃氣虛弱飲食少思陽氣微弱不能  
上升故頭痛苦因敗血黑龍丹言之甚詳

愚按前症若中氣虛用補中益氣湯加蔓荊子若血虛用四  
物加參朮血氣俱虛用八珍湯若因風寒所傷用補中益氣  
湯加川芎

婦人良方

幸氏醫案卷之二十一

七

婦人良方

附治驗

一產婦患頭痛。日用補中益氣湯。不效。已三年矣。稍勞則惡寒。內熱。為陽氣虛。以前湯加附子一錢。數劑不發。

一婦人產後頭痛。面青。二年矣。日服四物等藥。余謂腎水不能生肝木。而血虛用六味丸。加五味子。兩月而痊。

芎附散 治氣虛頭痛。用大附子一枚。去皮臍切四片。拌醋。一。碗。炙。附。薑。盡。同。川。芎。一。兩。為。末。每。服。二。錢。清。茶。調。服。

治血虛頭疼。當歸川芎。每服五錢。水煎。產後頭痛。都梁丸亦可治。方見圓卷第六論

附方

補中益氣湯

四物湯 二方見二十四卷第六論

八珍湯

方見二十四卷第四論

六味丸

方見二十四卷第十一論

產後咳嗽方論第三

夫肺主於氣。產後肺氣虛。故外邪感而咳嗽。所由作也。若食鹽醢之類。而致者。難治。若因麩積滯而致者。服黑神散。五積散。愈。思按前症。若陰血虛。四物湯加參朮。陳皮。桔梗。肺氣虛。四君加芎歸。桔梗。陰火上炎。六味地黃丸加參朮。風寒所感。補中益氣湯加桔梗。紫蘇。若瘀血入肺。發喘。兼口鼻起黑。或鼻出血。急用二味參蘇飲。亦有得生者。然而所患。悉因胃氣不足。蓋胃為五臟之根本。胃氣一虛。五臟失所。百病生焉。經云。肺屬辛金。生於巳土。脾土既虛。不能生金。則腠理不密。外邪易感矣。治當壯土金。生腎水。以制火為善。

附治驗

一產婦朝吐痰夜發熱無寐泥用清痰降火之藥肌體日瘦飲食日少余曰早間吐痰脾氣虛也夜間發熱肝血虛也晝夜無寐脾血耗也遂用六君子湯加味逍遙散加味歸脾湯以次調補不月而痊

一產婦咳嗽見風則喘急惡寒頭痛自汗口禁痰盛余為脾肺氣虛腠理不密用補中益氣加肉桂數劑而安

一產婦咳嗽聲重鼻塞流涕此風寒所感余用參蘇飲一鍾頓愈與補中益氣加桔梗茯苓半夏一劑將痊又與六君黃芪以實腠理全愈

一產婦咳嗽痰盛面赤口乾內熱晡熱徹作無時此陰火上炎余用補中益氣湯六味地黃丸而愈

一產婦咳而腹滿不食涕唾面腫氣逆此病在胃而關於肺用異功散而愈

知母散 治惡露上攻咳嗽不已

知母 貝母 白茯苓 人參各半兩

桃仁 杏仁並生去皮尖各一兩 右每服五錢水煎

治風寒咳嗽

甘草 桔梗各六分 款冬花四分 麥門冬

生地黃各一分 葱白一握 右水煎服

旋覆花湯 治咳嗽最良方見下有汗者去麻黃

附方

異功散 治脾胃虛弱飲食少思或久患咳嗽或腹滿不食面

浮氣逆等症

婦人耳... 婦人耳... 婦人耳... 婦人耳...

人參

白木炒

甘草炒

茯苓

陳皮各一錢

右薑棗水煎服

六君子湯

四物湯

四君子湯

補中益氣湯

四方見二十四卷第十論

六味丸

方見二十四卷第十一論

二味參蘇飲

方見後

參蘇飲

方見六卷十一論

產後喉中氣急喘促方論第四

產後喉中氣急喘促因榮血暴竭衛氣無主獨聚于肺名曰孤陽最為難治若因敗血停凝服奪命丹若因榮血暴絕服芎藭

湯若因風寒所傷服旋覆花湯若因血

結服小調經散若因

傷飲食服見現丸

愚按前症若脾肺氣虛弱用六君桔梗若兼外邪更加紫蘇若中氣虛寒用補中益氣加炮薑肉桂若陽氣虛脫更加附子若瘀血入肺急用二味參蘇飲

附治驗

一產婦喘促自汗手足俱冷常以手護臍腹此陽氣虛脫用

參附湯四劑而愈

二味參蘇飲

治產後血入於肺面黑發喘欲死者

人參一兩

蘇木二兩

右水煎頓服

旋覆花湯

治傷風寒暑濕喘嗽太盛坐臥不寧

旋覆花

赤芍藥

前胡

半夏麩

荆芥穗

婦人耳

薛氏醫案卷之二十二

五

目百六八

婦人百病  
補中益氣湯  
參附湯  
六君子湯  
產後口鼻起黑氣及鼻衄者蓋陽明經脈之海起於鼻交頤中

甘草  
茯苓  
五味子  
杏仁  
麻黃各等分

右每服四錢薑棗水煎有汗者莫服

五味子湯 治產後喘促脈伏而厥

五味子炒 人參 杏仁各二錢 麥門冬去心

陳皮各一錢 右薑二片棗二枚水煎服

芎藭湯方見後

附方

六君子湯

補中益氣湯二方見二十四卷第六論

參附湯方見十八卷第六論

產後口鼻起黑氣及鼻衄方論第五

產後口鼻起黑氣及鼻衄者蓋陽明經脈之海起於鼻交頤中

還出頰口交人中左之右右之左此產後氣虛榮血散亂胃絕肺敗之症也急取緋線一條并產婦頂心髮兩條緊繫中指節更無藥可療

愚按胃脈俠口繞承漿蓋鼻準屬脾土鼻孔屬肺金誠胃虛肺損氣脫血死之症急用一味參蘇飲加附子五錢亦有得生者方見前

產後咳噫方論第六

夫肺主於氣而稟於胃蓋產後脾胃傷損風冷所搏故咳噫也急炙期門三壯必愈此穴乃胃之大絡穴見六卷第十五論

愚按前症屬胃氣虛寒之惡候如用後方未應急投參附湯

亦有復生者方見十八卷第六論

丁香散 治心煩咳噫

婦人百病  
補中益氣湯  
參附湯  
六君子湯  
產後口鼻起黑氣及鼻衄方論第五

婦人良方 薛氏醫按卷之二十二

丁香

白芷 各半

伏龍肝 兩

右為末煎桃仁吳茱萸湯每服一錢調下

羌活散 治咳逆

羌活

附子 炮

茴香 炒各五錢

木香

白薑 一炮各一錢

右為末每服二錢水一盞鹽一捻煎服

一方用桂心五錢薑汁三合水煎服

產後血崩方論第七

產後血崩因經脈未復而勞傷或食酸鹹之味若小腹滿痛肝經已傷最為難治急服固經丸主之

愚按前症若血滯小腹脹滿用失笑散血少小腹虛痞芎藭湯肝火血妄行加味逍遙散脾鬱不統血加味歸脾湯脾氣虛不攝血補中益氣湯厚味積熱傷血清胃散加槐花風熱

相搏傷血四君子防風枳殼

附治驗

一產婦血崩小腹脹痛用破氣行血之劑其崩如湧四肢不收惡寒嘔吐大便頻瀉余用六君加炮薑四劑稍愈又十全大補三十餘劑而痊

一產婦血崩因怒其血如湧仆地口禁目斜手足抽搐此肝經血耗生風余用六味丸料一劑諸症悉退但食少晡熱佐以四君柴胡牡丹皮而愈

固經丸

艾葉

赤石脂 煨

補骨脂 炒

木賊 各半

附子 一筒

右為末飯丸桐子大每服二十九溫酒或米飲下

芎藭湯

婦人良方 薛氏醫按卷之二十二

婦人良方 卷之二十一 芎藭 芍藥 右每服五錢水煎

芎藭 當歸 芍藥 等 右每服五錢水煎

附方

失笑散 方見二十卷第五論

十全大補湯

加味逍遙散

加味歸脾湯 三方見二十四卷第四論

補中益氣湯

六君子湯

四君子湯 三方見二十四卷第六論

清胃散 方見二十四卷首論

六味丸 方見二十四卷第十一論

○產後月水不調方論第八

產後月水不調由血氣虛損風邪所客邪正相搏以致經候失期或多或少而不得其平也

愚按前症若過期而作痛者氣血俱虛也八珍加柴胡丹皮不及期而來血熱也四物山梔柴胡將來而作痛血實也四物加桃仁紅花過期而來者血虛也四物加參朮紫黑成塊者血熱也四物加炒梔炒連丹皮作痛而色淡者痰多也四物合二陳治當臨症制宜

附治驗

一產婦月經不調內熱燥渴服寒涼之劑其血如崩腹脹寒熱作嘔少食用六君子二十餘劑諸病悉愈以加味逍遙散調理而安

琥珀散 治經脈不調飲食少思日漸消瘦

婦人良方 卷之二十一 琥珀散 治經脈不調飲食少思日漸消瘦



婦人良方 卷之二十四

琥珀 牛膝 生地黃 當歸 各一兩

桃仁 赤芍藥 各半 右每服五錢水薑煎

附方

八珍湯

加味道遙散 二方見二十四卷第四論

四物湯

六君子湯 二方見二十四卷第六論

二陳湯 方見二十四卷第五論

○產後月水不通方論第九

產後乳子周歲而經不行是其常也若半歲而經行此血有餘也若一二歲不行而無疾不必服藥若肢體倦怠食少內熱是血少也宜健脾胃若以藥通之則誤矣

愚按前症脾胃虛弱用六君子湯若兼鬱火傷脾用歸脾湯

加丹皮山梔若怒火傷血宜用四物合小柴胡氣血俱虛用

八珍牡丹皮仍參前論主之

附治驗方藥

一產婦月經年餘不通內熱晡熱服分氣丸經行不止惡寒作渴食少倦怠胸滿氣壅朝用加味道遙散夕用四君子湯月許諸症稍愈佐以八珍湯兼服兩月而愈

六君子湯

四物湯

四君子湯 三方見二十四卷第六論

歸脾湯

加味道遙散

婦人良方 卷之二十四

婦人良方 八珍湯 三方見二十四卷第四論

小柴胡湯 方見二十四卷第二論

○產後四肢浮腫方論第十

產後四肢浮腫者乃敗血乘虛流注宜用小調經散陳無擇云若風邪所乘於氣分皮膚腫而浮虛乃氣也若皮膚腫如熟李乃水也蓋氣腫者宜發汗水腫者宜利小便

愚按前症若寒水侮土宜養脾肺若氣虛脾腫宜益脾胃若水氣浮腫宜補中氣當參第一卷水分血分主治

附治驗

一產婦飲食少思服消導之劑四肢浮腫余謂中氣不足朝用補中益氣湯夕用六君子湯而愈後因怒腹脹誤服沉香化氣丸吐瀉不止飲食不進小便不利肚腹四肢浮腫用金

匱加減腎氣丸而愈

一產婦泄瀉四肢面目浮腫喘促惡寒余謂脾肺虛寒用六君加薑桂而泄瀉愈又補中益氣而脾胃健

小調經散

沒藥

琥珀

桂心

芍藥

當歸各一錢

右為末每服半錢薑汁溫酒調

大調經散最治腫滿喘急煩渴小便不利方見二十一卷第三

漢防已散 治水腫

漢防已

猪苓

枳殼麩炒

桑白皮各一兩

商陸

甘草各三錢

右每服四錢水煎

治血虛氣腫水腫

澤蘭葉

防已等分

右為末每服二錢溫酒調下醋湯亦可

婦人良方 婦人醫方 卷之二十二

婦人良方 金匱加減腎氣丸 治脾腎虛寒。腰重脚腫。濕飲留積。小便不利。或肚腹腫脹。四肢浮腫。氣喘痰甚。或已成水症。其效如神。

白茯苓 兩三

附子 半兩

川牛膝

肉桂

澤瀉

車前子

山茱萸

山藥

牡丹皮

各一兩

熟地黄

四兩 搗碎 酒拌 粹膏

右為末和地黃膏煉蜜丸。桐子大。每服七八十九。空心米飲下。

附方

補中益氣湯

六君子湯

二方見二十四卷第六論

○產後腹痛瀉痢方論第十一

產後腹痛瀉痢。因腸胃虛怯。寒邪乘襲。或水穀不化。洞泄腸鳴。或手足逆冷。用調中湯治之。陳無擇云。若六淫七情而致者。當

隨所感而治之。

愚按前症若胸膈飽脹。或惡食吞酸。此飲食停滯。用六君根實。山查以消導。若食既消而仍痛。更或頭痛熱渴。惡寒欲嘔。此中氣被傷。用補中益氣。半夏茯苓。以健脾胃。

附治驗

一產婦腹痛發熱惡食。余以為飲食傷脾。彼反服破血之劑。加寒熱頭痛嘔吐涎沫。用化痰理氣。四肢逆冷。泄瀉下墜。余用六君加炮薑肉桂木香。再用補中益氣湯而愈。  
一產婦腹痛後重。去痢無度。形體倦怠。飲食不甘。唇腫盜汗。竟夜不寐。此脾經虛熱之症。用當歸六黃湯內黃芩連翹炒黑一劑。汗止。乃用歸脾八珍兼服而愈。

調中湯

婦人良方

薛氏醫案卷之二十一

吐

用補中

良薑 當歸 桂心 芍藥 附子炮  
川芎各二兩 甘草炒五錢 右每服三錢水煎服

附方

六君子湯

補中益氣湯二方見二十四卷第六論

歸脾湯

八珍湯二方見二十四卷第四論

○產後赤白痢方論第十二

產後痢疾因飲食六淫七情傷於脾胃或血滲大腸皆為難治若飲食不進謂之虛痢氣宇不順謂之氣痢治法熱則涼之冷則溫之冷熱相搏則溫涼調之滑者澀之虛者補之水穀不分者分利之性情執滯者和順之未有不妥者也

愚按前症白屬氣分而赤屬血分也若米食所傷用六君加穀蘖若麪食所傷用六君加麥蘖若肉食所傷用六君加山查神麩凡兼嘔吐俱加藿香若兼噯酸或嘔吐用前藥送越鞠丸若肝木尅脾土用六君加柴胡炮薑若寒水反來侮土用錢氏益黃散若久瀉或元氣下陷兼補中益氣湯以升發陽氣若瀉痢色黃乃脾土真氣宜加木香肉豆蔻若屬脾土虛寒用六君加木香薑桂若脾腎虛寒用補中益氣及四神丸若屬命門火衰而脾土虛寒用八味丸以補土母若小便瀯滯肢體漸腫或兼喘咳用金匱腎氣丸以補脾腎利水道若胃氣虛弱而四肢浮腫須補胃為主若久而不愈是腎氣虧損也必用四神六味八味三藥以補足三陰若用分利導水之劑是虛其虛也

婦人良方 薛氏醫案卷之二十一  
一產婦泄痢腹痛年餘形體骨立內熱晡熱自汗盜汗口舌糜爛日吐痰三碗許脈洪大重按全無此命門火衰脾土虛寒而不能攝痰歸源用八味丸補火以生上用補中益氣湯兼補肺金而痊

一產婦食雞子腹中作痛面色青黃服平胃二陳更下痢腹脹用流氣飲子又小腹一塊不時上攻飲食愈少此脾胃虛寒肝木尅侮所致用補中益氣加木香吳茱萸漸愈又用八珍大補兼服調理尋愈

五味子散 治產後泄瀉或腎泄在侵晨五更作瀉飲食不進或大便不實不時去後為丸尤效

五味子兩三 吳茱萸錢五 右為末每服二錢白湯調  
四神丸 治脾胃虛弱大便不實飲食不思

二神丸 二方見八卷第八論

六君子湯

補中益氣湯 方見二十四卷第六論

香蓮丸 方見八卷第八論

六味丸

八味丸 二方見二十四卷第十一論

金匱腎氣丸 方見前

八珍湯 方見二十四卷第四論

婦人良方卷之二十三

婦人良方卷之二十三

薛氏醫按

臨川陳自明編 吳郡薛 已註

新都 閔道政校

產後門

○產後痢疾作渴方論第一

產後下痢作渴者乃內亡津液或胃氣虛不能生津液但止其渴痢自差

愚按前症若渴而不喜冷飲屬胃氣虛不能生津液宜用七味白朮散夜間發熱口渴屬腎水弱而不能潤宜用六味丸並佐以益氣湯以滋化源

附治驗

一產婦瀉痢發熱作渴吐痰肌體消瘦飲食少思或胸膈痞

婦人良方 薛氏醫按卷之二十三

滿或小腹脹墜年餘矣余以為脾腎之瀉朝用二神丸夕用六君子三月餘而痊

一產婦患前症形體倦怠飲食不進與死為鄰此脾胃俱虛也用四神丸十全大補湯而愈

附方

七味白朮散

方見二十一卷第二論

六味丸

方見二十四卷第十一論

補中益氣湯

六君子湯

二方見二十四卷第六論

十全大補湯

方見二十四卷第四論

四神丸

二神丸

二方見八卷第八論

產後大便秘瀉方論第二

產後大便秘瀉因腸胃虛弱津液不足若小腹悶脹宜服麻仁丸潤之若用寒藥則促其危矣

愚按前症若計其日期飲食數多即用藥通之禍在反掌之間必待腹滿覺脹欲去不能者乃結在直腸宜用猪膽汁潤之若服苦寒疎通反傷中氣通而不止或成痞症若去血過多用十全大補血虛火燥用加味四物氣血俱虛用八珍湯雖數日不通飲食如常腹中如故仍用八珍加桃仁杏仁治之若泥其日期飲食數多而通之則誤矣

附治驗

一產婦大便七日不通飲食如常腹中如故此腹未滿也用八珍加桃杏二仁至二十一日腹滿欲去用猪膽汁潤去而

如人...  
一產婦大便不通或用通利之藥中脘脹痛飲食甚少又用  
蜜導之大便不禁吃逆不食余以為脾腎復傷用六君加吳  
茱肉果骨脂五味數劑喜其年壯而愈不然多致不起  
一產婦大便秘結小腹脹痛用大黃等藥致吐食腹痛  
胸痞余用六君子加木香炮薑治之而愈○一婦人六分  
澁諸藥不應苦不可言令飲人乳而安

麻仁丸

大麻仁

研如泥

枳殼

人參各四分

大黃二分

右為末入麻仁煉蜜九桐子大每服二十九空心溫酒下未  
通漸加不可過服

阿膠枳殼丸

治產後大便秘澁以阿膠枳殼二味等分為末  
蜜丸桐子大滑石末為衣溫水下二十九如或未通再服

附方

子全大補湯

八珍湯

方見二十四卷第四論

加味四物湯

方見二十四卷第六論

○產後大小便不通方論第三

產後大小便不通因腸胃虛弱津液燥竭故也

愚按前症當參前後論及八卷八論主治

附治驗

一產婦大小便不通諸藥不應將危矣令飲牛乳一日稍通  
三日而痊人乳尤善

桃花散

治膀胱氣滯血澁大小便秘

桃仁

葵子

滑石

檳榔等分



右為末每服二錢空心蔥白湯調下。

通氣散 治產後大小便不通 方見八卷第七論

○產後遺糞方第四

產後遺糞取故燕窠中草燒為末或枯礬牡蠣或白欬芍藥各等分為末俱用酒調服或用固腸丸亦可。

愚按前症若脾腎虛弱用還少丹仍以補中益氣湯為主虛寒加肉豆蔻補骨脂或四神丸若脾腎虛寒用八味丸兼四神丸仍佐以前二方。

附治驗 小便出尿方藥附

一產婦大便不實飲食少思五更或侵晨遺屎此中氣虛寒脾腎不足用補中益氣送四神丸而痊。

一產婦小便出糞名大小腸交乃氣血俱虛失行常道先用

六君子湯二劑又五苓散二劑而痊循常腸交亦可用。

附方

還少丹 治脾腎虛寒飲食少思發熱盜汗遺精白濁又治血

氣虧損肌體瘦弱等症

肉蓯蓉 遠志法 茴香 巴戟 乾山藥

枸杞子 熟地黃 石菖蒲 山茱萸 去核 牛膝

杜仲 去皮 楮實子 五味子 白茯苓 各二兩

右各另為末用棗肉百枚并煉蜜九桐子大每服五七十丸空心溫酒或鹽湯下日三服

補中益氣湯

六君子湯 二方見二十四卷第六論

四神丸 方見八卷第八論

婦人良方

普氏醫方卷之二十三

四

五

八味丸

方見二十四卷第十一論

五苓散

方見二十一卷第十論

○產後諸淋方論第五

產後諸淋因熱客於脬虛則頻數熱則澀痛氣虛兼熱血入胞中則血隨小便出而為血淋也

愚按前症若膀胱虛熱用六味丸若陰虛而陽無以化用滋陰腎氣丸蓋土生金金生水當滋化源仍參第八卷小便淋瀝頻數類

附治驗

一產婦小水淋瀝或時自出用分利降火之劑二年不愈余以為肺腎之氣虛用補中益氣湯六味地黃丸而痊

滑石散

治熱淋

滑石五分

通草

車前子

葵子各一分

右為末以漿水調服

治小腸有熱小便澀痛或為血淋

藿麥

黃芩

冬葵子

各二兩

通草二兩

大棗十二枚

右以水七升煎二升半分二服

治脾氣不利小便不通橘紅為末每服二錢空心溫酒下

治肺氣不利小便不通杏仁十四枚去皮尖炒食之

治脬轉小便不利滑石一錢半寒水石一錢水煎服

附方

六味丸

方見二十四卷第十一論

滋陰腎氣丸

補中益氣湯

二方見二十四卷第六論

婦人良方

普氏醫方卷之二十三

五

五

產後小便頻數方論第六  
產後小便數者乃氣虛不能制故也

愚按前症若因穩婆不慎以致胞損而小便淋瀝者用八珍湯以補氣血若因膀胱氣虛而小便頻數當補脾肺若膀胱陰虛而小便淋瀝須補肺腎仍參第八卷小便頻數諸類

附治驗

一產婦小便頻數時忽寒戰乃屬脾肺虛弱用補中益氣加山茱山藥為主佐以桑螵蛸散而愈後患發熱晡熱盜汗自汗月水不調用加味道遙散而安  
一產婦患前症吐痰發熱日晡作渴此膀胱陰虛用補中益氣湯佐以六味丸而愈又患痢後小便頻數手足俱冷屬陽氣虛寒用前湯及八味丸而瘳

桑螵蛸散 治陽氣虛弱小便頻數或為遺尿

桑螵蛸三十 鹿茸酥炒 黃芪名三 牡蠣煨

人參 厚朴 赤石脂各二

右為末每服二錢空心粥飲調下

又方用益智仁為末米飲下

附方

八珍湯

加味道遙散 二方見二十四卷第四論

補中益氣湯 方見二十四卷第六論

六味丸

八味丸 二方見二十四卷第十一論

○產後小便不禁方第七

廣濟治產後小便不禁用雞尾燒灰千金翼用白薇芍藥為末俱用溫酒下日三服或桑螵蛸半兩龍骨一兩為末每服二錢粥飲調下

愚按前症若脾肺陽虛用補中益氣湯若肝腎陰虛用六味地黃丸若肝腎之氣虛寒用八味地黃丸

附治驗

一產婦小便不禁二年不愈面色或青赤或黃白此肝脾氣血虛熱用加味道遙散為主漸愈佐以六味丸而痊後因怒小便自遺大便不實左目頓緊面色頓赤仍用前散佐以六君子湯以清肝火生肝血培脾土而瘳

補脬飲 治胞破小便淋瀝

生絹黃色者

白牡丹用根并皮

白芨各一錢

右水一碗煎至絹爛溫服服後忌言語否則無效

雞內金散治氣虛溺床用雄雞胫脰并腸燒為末溫酒調服

附方

補中益氣湯

六君子湯二方見二十四卷第六論

六味丸

八味丸二方見二十四卷第十一論

加味道遙散方見二十四卷第四論

○產後小便出血方論第八

產後小便出血者因虛熱血滲於脾也以亂髮洗淨燒為末米飲調服或滑石末一錢生地黃汁調下

愚按前症若膏粱積熱用加味清胃散醇酒濕毒葛根解醒

湯怒動肝火。加味小柴胡湯。鬱結傷脾。加味歸脾湯。思慮傷心。妙香散。大腸風熱。四物側柏槐花。大腸血熱。四物炒連槐花。腸胃虛弱。六君升麻柴胡。元氣下陷。補中益氣。茯苓半夏。胃氣虛弱。六君升麻。血虛。四物升麻。氣血俱虛。八珍柴胡升麻。大凡元氣虛弱而發熱者。皆內真寒而外假熱也。但用六君或補中益氣加炮薑溫補脾氣。諸症悉退。若四肢畏冷。急加附子。

附治驗方藥

大便下血附

一產婦尿血而黃。脇脹少食。此肝木乘脾土也。用加味道遙補中益氣兼服。而愈後為懷抱不樂。食少體倦。驚悸無寐。血仍作用。加味歸脾湯二十餘劑。終愈。惑於眾論。服犀角地黃湯。諸症復作。仍服前湯而愈。

一產婦黃後下血。食少體倦。此脾氣虛熱。用補中益氣加吳茱炒黃連五分。四劑頓愈。用歸脾湯而痊。

一婦人怒則便血。寒熱口苦。或胸脇脹痛。或小腹痞悶。此肝木乘脾土。用六君柴胡山梔而愈。用補中益氣加味道遙而不復作。

一婦人久下血在糞前。屬脾氣虛寒。用補中益氣加連炒吳茱一錢數劑稍緩。乃加生吳茱五分數劑而愈。黃連炒吳茱黃法見七卷

第五論

一產婦大便後血口乾。飲湯胸脇膨滿。小腹悶墜。內熱晡熱。食少體倦。日晡面赤。洒淅惡寒。此脾肺氣虛。先用六君加乾薑木香漸愈。用補中益氣將愈。用歸脾湯全愈。後勞役兼怒發熱血崩。夜間譫語。此熱入血室。用加味小柴胡二劑而熱

退用補中益氣一劑而血止用逍遙散歸脾湯調而安

葛花解醒湯 治酒積上下分消其濕

白苳蔻 砂仁 葛花 木香 五分

青皮 三錢 陳皮 白茯苓 猪苓

人參 各一錢半 白朮 神麩 澤瀉

生乾薑 各二錢 右為末每服五錢白湯調下

加味清胃散 方見二十四卷首論

加味小柴胡湯 方見二十四卷第二論

加味歸脾湯

歸脾湯

八珍湯

逍遙散

加味逍遙散 五方見二十四卷第四論

妙香散 方見六卷第八論

四物湯

六君子湯

補中益氣湯 三方見二十四卷第六論

○產後陰脫玉門不閉方論第九

產後陰脫玉門不閉因坐產努力舉動房勞所致或脫肛陰挺逼迫腫痛小便淋瀝

愚按玉門不閉氣血虛弱也用十全大補湯腫脹焮痛肝經虛熱也加味逍遙散若因憂怒肝脾氣血傷也加味歸脾湯若因暴怒肝火血傷也龍膽瀉肝湯仍參第八卷末諸論

附治驗

一產婦玉門不開發熱惡寒用十全大補加五味子數劑而寒熱退用補中益氣加五味子數劑而玉門閉  
一婦人脾胃素弱兼有肝火產後玉門腫痛寒熱作渴嘔吐不食外敷大黃等藥內用驅利之劑腫及於臀諸症蜂起此真氣虛而邪氣盛也先用六君子以固腸胃次用補中益氣以升陽氣不數劑而全愈

一產婦患此失治腫潰不已形體消瘦飲食少思朝寒暮熱自汗盜汗半年矣用補中益氣加茯苓半夏臙水漸少飲食漸進用歸脾湯共五十餘劑而愈  
一產婦玉門不開小便淋瀝腹內一塊攻走脇下或脹或痛用加味逍遙散加車前子而愈  
一婦人子宮腫大二日方入損落一片殊類猪肝而黃體倦

飲食無味內熱晡熱自汗盜汗用十全大補湯二十餘劑諸症悉愈仍復生育

硫黃散 治產後陽氣虛寒

硫黃

烏賊骨各半兩

五味子錢五

右為末摻患處日三易

一方蛇床子一升炒熱帛裹熨患處亦治陰痛

一方子宮脫出以草麻子仁十四枚研塗頂心入即洗去

附方

十全大補湯

加味逍遙散

加味歸脾湯

歸脾湯

四方見二十四卷第四論

婦人良方

薛氏醫案卷之二十三

且言

婦人陰蝕方論第十  
龍膽瀉肝湯 方見二十四卷第八論

補中益氣湯

六君子湯 二方見二十四卷第六論

○婦人陰蝕方論第十

婦人少陰脈數而滑者陰中有瘡名曰懸或痛或痒如蟲行狀膿水淋瀝亦有陰蝕幾盡者皆由心神煩鬱脾胃虛弱氣血流滯耳內當補心養胃外以藥傅洗乃可

愚按前症乃肝脾鬱結之症木旺生蟲耳宜解鬱清肝開見八卷陰中生瘡類

附治驗

一產婦素有肝火患此內潰痒痛食少熱渴小水淋瀝用加未逍遙散加味歸脾湯兼服間以蘆薈丸外以鶴虱草煎洗

而愈。

治疔蟲蝕下部用蒲黃水銀研勻傅入內

平胃散加貢衆末二錢以熟猪肝拌藥內陰中

附方

加味歸脾湯

加味逍遙散 二方見二十四卷第四論

蘆薈丸 方見七卷第七論

○產後乳少或止方論第十一

婦人乳汁乃氣血所化若元氣虛弱則乳汁短少初產乳房癰脹此乳未通若怒氣乳出此肝經風熱若累產無乳此內亡津液蓋乳汁資於衝任若婦人疾在衝任乳少而色黃者生子則怯弱而多疾



愚按前症若氣血虛弱而不能化生宜壯脾胃怒動肝膽而乳腫汁出宜清肝火夫乳汁乃氣血所化在上為乳在下為經若屢產無乳或大便澀滯當滋化源

附治驗

一產婦因乳少服藥通之致乳房腫脹發熱作渴余謂血氣虛以玉露散補之而愈

湧泉散 能下乳忌食薑椒辛辣飲食

玉不留行

藷麥

麥門冬

龍骨各二錢

右用猪蹄汁一碗酒一杯煎服以木梳於乳上梳下

治氣血虛鍾乳粉每服二錢煎漏蘆湯調

附方

玉露散

治乳脈不行身體壯熱頭目昏痛大便澀滯等病

人參

白茯苓

桔梗炒

芍藥各一錢

甘草炙六分

右水煎服

○產後乳出方論第十二

產後乳汁自出乃胃氣虛宜服補藥止之若乳多滿痛用溫帛熨之未產而乳自出謂之乳泣生子多不育

愚按前症氣血俱虛用十全大補湯肝經血熱用加味道遙散肝經怒火用四物參朮柴梔肝脾鬱怒用加味歸脾湯

附治驗

一產婦勞役忽乳汁如湧昏昧吐痰此陽氣虛而厥也灌以獨參湯而甦更以十全大補湯數劑而安若婦人氣血方盛乳房作脹或無兒飲脹痛增寒發熱用麥芽二三兩炒熟水煎服立消其耗散血氣如此何脾胃虛弱飲食不消方中多

婦人良方  
用之

十全大補湯

加味道遙散

加味歸脾湯

獨參湯

四物湯

○產後吹乳方論第十三

產後吹乳因兒飲口氣所吹令乳汁不通壅結腫痛不急治多

成癰速服括萋散及敷南星更以手揉散之

愚按前症用藥切不可損其氣血治驗見二十四卷

括萋散乳香二錢括萋二箇酒煎服用南星溫湯調塗

一方用陳皮一兩甘草一錢水煎服

○產後妬乳方論第十四

始乳因兒未能飲餘乳蓄結以致腫痛初不吮通之必致成癰

若乳頭生瘡浸淫名妬乳宜赤龍皮湯天麻湯飛鳥散傳以黃

連胡粉散

愚按乳盛或無子飲乳以致腫痛炒大麥芽煎服其乳即散

若成瘡當從乳癰類治若皮膚津淫成瘡當用本方

治乳初腫痛內消方用瓜萋一箇粉草一寸生薑一塊半酒二碗煎

服少頃去敗乳再服即愈

赤龍皮湯槲皮三升水一斗煮五升溫洗之

麻草湯以天麻草五升水煎洗之此草葉若麻葉冬生夏花赤

如鼠尾花亦洗浸淫濕痒陰蝕等瘡

飛鳥散用燒硃砂作水銀上黑煙各雜粉者三兩枯礬一兩傳之諸熱

婦人良方 卷之二十四 三

婦人良方  
浸淫丈夫陰蝕痒濕小兒頭瘡疔蝕瘡等

黃連胡粉膏 治症同前

黃連 二兩 末

胡粉 一錢

水銀 一兩 同研 令消散

右皮裏熟按和合傅之

一方乳頭裂破秋茄子裂開者陰乾燒存性水調塗之

